

## NYUMBA YA HAKI YA ULIMWENGU

25 Machi 2007

Kwa Wabaha'i wa Ulimwengu

Wapendwa Marafiki wa Kibaha'i,

Moja wapo ya dalili za kuharibika kwa jamii katika sehemu zote za ulimwenguni mmomonyoko wa uaminifu na ushirikiano kati ya mtu binafsi na asasi za kiutawala. Katika mataifa mengi mchakato wa uchaguzi umekuwa wenye fedheha kwa sababu ya ugonjwa wa ufisadi. Ikichangia kwenye kuongezeka kutoaminiana kya mchakato muhimu kiasi hicho, ni ushawishi juu ya matokeo yatokanayo na maslahi binafsi kwa kuwa na uwezo wa kuchukua fedha nyingi mno, viziuzi juu ya uhuru wa kuchagua vilivyomo kiasilia kwenye mfumo wa chama, na upotoshaji wa mtazamo wa umma kuhusu wagombea unaoelezwa kiubaguzi katika vyombo vya habari. Utepetevu, mifarakano na fikra dhanifu vile vile ni matokeo, kama hisia ziongezekazo za kukata tamaa kwa kutokuwa na uwezekano kwamba wananchi wenye uwezo wa juu kabisa wataibuka kushughulikia matatizo mbalimbali ya mfumo wa kijamii wenye dosari. Matamano ya kila mahali kuwa na asasi ambazo zitatoa haki kuondoa ukandamizaji na kulea umoja endelevu kati ya vyombo mbalimbali vya jamii, ni dhahiri.

Utaratibu wa ulimwengu wa Baha'u'llah ni mfumo ulioamriwa na Mungu ambao kwao watu na mataifa wameutafuta kwa udi na uvumba. Ukiwa umeasisiwa na Bab kwenye Bayan ya Kiajemi, misingi ya sura yake imeagizwa na Baha'u'llah Mwenyewe. Utaratibu huu haujawahi kuwepo katika historia ya binadamu kwa kiwango chake cha haki, na kujitoa wakfu kwa njia inayofaa kuleta umoja wa binadamu, hali kadhalika, uwezo wake huendeleza mabadiliko na maendeleo ya ustaarabu wa ulimwengu. Hutupatia njia ambayo kwayo Amri ya Mungu huangazia njia ya maendeleo ya binadamu na mwishowe kuelekeza uanzishaji wa Ufalme wa Mungu duniani.

Kila mahali katika sayari nzima wafuasi waliojidhatiti wa Baha'u'llah wanafanya kazi kukuza zaidi Utaratibu wa Kiutawala wa Kibaha'i ulioelezwa na Mlinzi "Si tu kama kiini bali ndiyo ruwaza hasa ya Utaratibu Mpya wa Ulimwengu", na hivyo kuweka msingi wa ustaarabu wa ulimwengu uliokusudiwa kuzaa wangavu wake ung'aao katika karne zijazo. Wanafanya hivyo licha ya hali za ghasia na fujo zilizobashiriwa na Baha'u'llah katika kuthibitisha kwamba "Mizania ya ulimwengu imevurugwa kupitia nguvu itetemeshayo ya Utaratibu huu mpya wa Ulimwengu, huu mkuu kabisa. Maisha yaliyotengamaa ya mwanadamu yamepinduliwa kupitia utendaji wa Mfumo huu wa kipekee, huu wa ajabu—ambao mfano wake macho ya umauti kamwe hayajapata kushuhudia."

Pamoja na juhudi ulimwenguni kote kuendeleza mchakato wa uingiaji kwa makundi uongezaji mwendo kupitia utekelezaji malengo ya Mpango wa Miaka Mitano, sasa ni wakati unaofaa kwamba waumini kila mahali wawe makini zaidi kwenye kuimarisha mchakato ambao kwao Mabaraza ya Mahali na Kitaifa huchaguliwa. Njia ya ushiriki kwa watu wazima wote wa jumuiya kwenye chaguzi hizi ni sura zinazotambulikana katika Utaratibu wa Baha'u'llah, kwani ni wajibu ambao kila Mbaha'i ametunukiwa heshima kubwa ya kuchagua, akiwa kama mwananchi mwenye kuwajibika wa ulimwengu mpya ambao kuwepo kwake, kutaunda asasi zenye mamlaka juu ya utendaji wa jumuiya ya Kibaha'i. Kuhusu suala hili, kutojali na kupuuza kwa muumini yeyote ni mwelekeo usiopatana na moyo wa Hoja. Marafiki sharti wajitahidi bila kukoma kuepuka kunajisiwa na mielekeo hii haribifu, ambayo imeleta madhara juu ya mamlaka na uadilifu wa asasi za utaratibu wa ulimwengu unaoanguka.

Katika kuelezea uchaguzi wa Kibaha'i, Shoghi Effendi, kupitia barua iliyoandikwa kwa niaba yake, alieleza kwamba, "njia na utaratibu wa uchaguzi wa Kibaha'i, kwa hakika, kama mojawapo ya makusudi yake muhimu, zinakuza moyo wa uwajibikaji kwa kila muumini. Kwa kukazia haja ya kudumisha uhuru wake kamili kwenye chaguzi, zinamlazimu kuwa mwana-jumuiya amilifu na mwenye taarifa kutosha za jumuiya ya Kibaha'i anamoishi."

Njia ambayo mpiga kura anatumia kutekeleza haki na heshima yake ya kupiga kura hivyo ni ya umuhimu mkubwa. Maagizo ya Shoghi Effendi katika kifungu hiki cha maneno zaidi hueleza kwamba "ili kuweza kufanya chaguo la busara wakati wa uchaguzi, ni muhimu kwake awe karibu na kuendelea kujihusisha na shughuli zote za katika mahali, ziwe za ufundishaji, utawala au vinginevyo, na kushiriki kwa moyo wote katika masuala ya kamati za mahali na za kitaifa hali kadhalika mabaraza katika nchi yake." Ni katika njia hii tu kwamba muumini anaweza kukuza ufahamu wa kweli wa kijamii na kupata hisia za kweli za uwajibikaji katika mambo yanayoathiri raghba ya Hoja. Maisha ya jumuiya ya Kibaha'i hivyo, hufanya iwe wajibu kwa kila muumini mwaninifu na mtiifu kuwa mwenye akili, mwenye taarifa za kutosha na mpiga kura mwajibikaji, na pia humpa nafasi ya kujilea hadi kwenye daraja kama hilo."

Wakati haipaswi kutaja majina ya watu binafsi kuhusiana na uchaguzi wa Kibaha'i, inafaa kabisa kwa waumini kujadili mahitaji na sifa za ujumbe katika asasi imayotakiwa kuchaguliwa. Shoghi Effendi anatoa mwongozo wa wazi juu ya hoja hi: "Nahisi kwamba kurejelea kwenye majina binafsi kabla ya uchaguzi kunge sababisha kutoelewana na kuhitalifiana. Kile ambacho marafiki wanapaswa kufanya ni kufahamiana kikamilifu, kubadilishana mawazo, kuchangamana kwa uhuru na kujadiliana miongoni mwao mahitaji na sifa za ujumbe kama huo bila kurejelea au kutumika, hata iwe kwa njia isiyo ya moja kwa moja, na mtu fulani." Miongoni mwa "sifa muhimu" zilizoainishwa na Mlinzi ni zile "za uaminifu usiotiliwa mashaka, za moyo wa ibada usio na ubinafsi, za akili iliyofunzwa vyema, za uwezo unaotambulikana na uzoefu uliokomaa." Kwa utambuzi uliokuzwa wa kazi zinazotakiwa kufanywa na asasi inayochaguliwa, muumini anaweza kuwapima kwa usahihi wale ambao ange liwapigia kura. Kutoka bwawa la wale ambao mpiga kura anaamini kuwa wana sifa za

kuhuduu, uchaguzi sharti ufanywe kwa kuzingatia vigezo vingine vilivyowekwa kama mgawanyo wa umri, anuwai na jinsia. Mpiga kura anapawa afanye uchaguzi wake baada ya kufikiri kwa makini kwa kipindi kirefu kabla ya uchaguzi wenyewe.

Wanapoitwa kupiga kura katika uchaguzi wa Kibaha'i, waumini wanapaswa watambue kuwa wao wanatekeleza wajibu mtakatifu wa kipekee kwa Kipindi hiki Kitakatifu. Wanapaswa kuliendea jukumu hili katika mwelekeo wa ibada, wakitafuta mwongozo mtakatifu na uthibitisho. Kama vile Shoghi Effendi alivyoshauri, "lazima wageukie kabisa kwa Mungu, na kwa usafi wa nia, uhuru wa roho na utakatifu wa moyo, washiriki katika uchaguzi."

Kupitia ukumbatiaji wao wa moyo wote wa mchakato wa uchaguzi wa Kibaha'i, waumini watashuhudia, siku hadi siku, tofauti kubwa kati ya asasi zinazoibuka za Utaratibu wa Kiutawala wa Kibaha'i na utaratibu unaooza wa kijamii unaowazunguka. Katika utofauti huu unaoongezeka itaonekana ahadi ya utukufu wa Utaratibu wa Ulimwengu wa Baha'u'llah—Mfumo uliokusudiwa kutimiza Matarajio ya juu kabisa ya jamii ya binadamu.

### **Nyumba ya Haki ya Ulimwengu**